

Tulun-an 13

# ANG DIOS MAGA-UPOD SA IMO



Tun-i ini nahanungod sa Dios

Ang iban nga tawo nagahimulat nga sakiton yadtong nagahigugma sa Dios

Ang Dios maga-upod sa imo bisan diin ka man.

Buhaton sang Dios ang tanan nga butang sa kaayohan mo.

Buligan ka sang Dios sa pagpatawad sadtong nagasakit sa imo.

### Basaha Sa Biblia

Basaha sing mabaskog sing 5 ka beses



Ang agalon ni Jose . . . nagbutang sa iya sa bilangoan . . . Apang ang Ginoo kaupod kay Jose. Genesis 39:20,21. Si Jose nagsiling . . . naghunahuna ka sing malain batok sa akon, apang gintuyo ini sang Dios sa kaayohan.

### Mabuhat mo bala ini?

Tipoloni ang husto nga sabat.

1. Sin-o ang ginbutang sa bilangoan?      Isaac      Jose      Jacob
2. Sin-o ang yara sa bilangoan nga kaupod niya?      Isaac      Jacob      ang Dios
3. Ano ang buot sang Dios nga buhaton mo sa nagasakit sa imo? magpatawad sakiton sila
4. Sin-o ang nagabuhat sang mga butang sa ikaayo mo?      ikaw      ang Dios

## Mga Sabat

1. Jose

2. Ang Dios

3. Patawaron

4. Ang Dios



**Ang mga utod nga lalaki ni Jose naghimulat nga sakiton sia.**

Linyahi ang tanan nga tinaga halin sa • tubtob sa•

Si Jose isa sa napulog-duha ka mga anak nga lalaki ni Jacob. Ginhigugma ni Jacob si Jose. Ginhatagan niya si Jose sing matahom nga bayo. Nangimon ang mga utod niya. Gindumtan nila si Jose.

Ang Dios naghigugma kay Jose kag naghambal sa iya.

- Ginpakita sang Dios kay Jose sa mga damgo nga siya mangin dungganon nga hari. •
- Nagtuo si Jose sang ginsiling sang Dios sa iya. • Ginsugid niya ang iya mga damgo sa iya mga utod. Labi nga naakig ang iya mga utod sa iya. . . .

## DIOS



Ang mga utod ni Jose nagplano nga patyon sia. Ginbutang nila sia sa mamala nga bubon. Sang ulihi ginbaligya nila sia agud mangin ulipon. Ginpatuo nila si Jacob nga si Jose ginpatay sang mabangis nga hayop.

**Ang Dios kaupod ni Jose.**

Gindala si Jose sa malayo sang mga tawo nga nagbakal sa iya. Ginbaligya sia nga ulipon kay Potipar. • Apang ang Dios kaupod ni Jose sa balay ni Potipar. • Ginbuligan sia sang Dios sa pagbuhat sang maayo. Ang Dios nahamuot kay Jose, subong man si Potipar.





**DIOS**

### Ang Dios nagbuhat sang tanan nga butang sa ika-ayo ni Jose

Isa ka adlaw ginpakuna sang hari si Jose. Ang Dios naghambal sa hari sa damgo. Apang indi mahangpan sang hari ang kahulogan. Ginsugid sang Dios kay Jose ang kahulogan sang damgo. May pito ka tuig nga maayo ang patubas. Pito ka tuig nga gutom-wala patubas. Ginsugid ni Jose sa hari ang kahulogan sang damgo.


Ginhimo sang hari si Jose nga gobernador. Ang pito ka tuig nga madamo ang patubas nag-abot. Gintago ni Jose ang sobra nga pagkaon. Ang pito ka tuig nga tag-gulotom nag-abot. Ang mga tawo nagkadto kay Jose agud may pagkaon. Ginbuligan sang Dios nga luwason ni Jose ang madamo nga kabuhi.

Ginhimulatan sang asawa ni Potipar nga sia makasala. Si Jose indi magpakasala. Ginahigugma niya ang Dios. Nagbinutig ang asawa ni Potipar nahanungod kay Jose. Ginbutang ni Potipar si Jose sa bilangoan. • Apang ang Dios yara gihapon kay Jose. •



### Ginbuligan sang Dios si Jose sa pagpatawad sang iya mga utod.

Ang mga utod ni Jose nag-abot agud may pagkaon. • Ang Dios nagbulig kay Jose sa pagpatawad sa iya mga utod sang malain nga ginbuhat nila sa iya. • Ginhatagan sila ni Jose sang pagkaon kag maayo nga duog agud puy-an. Ginhigugma niya sila. • Ginbuhat sang Dios ang tanan nga butang sa ila kaayuhan. • Ano man ang matabo sa imo padayona ang paghigugma kag pagpangamuyo sa Iya • Patawara ang mga tawo nga nagsakit sa imo. • Buhaton sang Dios ang tanan para sa imo.





**Madamo nga butang ang imo natun-an  
sa sini nga mga tulun-an.**

Natun-an mo kon paano ka  
ginahigugma sang Dios. Natun-an mo  
nga ang Dios dalayawon  
kag maayo. Ginhimo ka sang Dios  
kag buot Niya mangin anak ka  
Niya. Ang Dios maayo kag buot  
Niya ang Iya mga anak magmaayo.  
Buot sang Dios mag maluluy-on  
ka sa iban nga tawo. Ginpadala  
sang Dios ang Iya Kordero,  
si Jesus, agud mamatay  
para sa imo mga sala.  
Buot sang Dios patawaron ka kag  
pakamaayohon ka.



Luyag sang Dios nga magpuyo ka sa  
langit upod Niya. Ang Dios magtatap  
sa imo bisan diin nga duog. Buot sang Dios mangamuyo ka sa

Iya kag indi sa iban nga  
dios. Buot sang Dios nga sundon  
mo siya, buhaton Niya ang tanan  
nga butang sa kaayohan mo. Kabay  
nga pakamaayohon ka sang Dios  
samtang ikaw nagalakat kag  
nagahambal sa Iya  
kada adlaw.



### **Pangamuyo ko:**

Nahibaloan ko nga ikaw nagahambal sa akon  
Dios paagi sa Biblia. Gintatap mo si Jose.  
Ginapakamaayo mo si Abraham.  
Ikaw naglakat kag naghambal kay  
Adan kag Noe. Ginahigugma mo ako. Kaupod  
ko ikaw bisan diin man ako. Napatawad  
mo ang akon mga sala katulad ni Jacob. Katulad  
ni Isaac, ako naluwas sa  
kamatayon sang Imo Kordero. Dalhon mo ako katulad  
ni Enok sa puloy-an sa langit. Ako imo  
anak, higugmaon ko ikaw bisan diin man ako.




Karon sulati ang imo Rekord sang Estudyante sa Leksyon 13.

ANG DIOS MAGAUPOD  
SA IMO

## KALINGAWAN PARA SA IMO

Pangitaa ang imo dalan sa kakahoyan.

Umpisahi sa ubos. Basaha ang dinalan. 1. Kon husto magkadto sa dalan patuo, padulong sa numero 2. Kon sala kumadto ka sa wala. Buhata ang tanan nga mga dinalan.



1. Ginahigugma ni Jacob si Jose
2. Ginahigugma si Jose sang iya mga utod nga lalaki.
3. Ginbaligya si Jose sang iya mga utod
4. Nabilanggo si Jose
5. Nalimtan sang Dios si Jose
6. Si Jose namatay sa bilangoan
7. Ang Dios nagaupod sa imo.

Isulat sing maathag ang imo ngalan .....

Grado .....

Kolore ang mga laragway sa masunod nga pahina



**ANG DIOS**

**NAGAHIGUGMA**

**SA IMO**

